

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Na osnovu člana 7., 37. i 38. Zakona o budžetima u Federaciji Bosne i Hercegovine ("Službene novine Federacije Bosne i Hercegovine" broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), a u vezi sa članom 13. i 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj: 49/06 i 51/09) i članom 21. stav 1. tačka 3. i člana 116. stav 2. Statuta Grada Zenica ("Službene novine Grada Zenica", broj: 5/15), Gradsko vijeće Zenica, na ____ sjednici održanoj dana ____ 2021. godine, donosi

ODLUKU
o izmjenama i dopunama Odluke o izvršavanju
Budžeta Grada Zenica za 2021. godinu

Član 1.

Ovom Odlukom vrše se izmjene i dopune Odluke o izvršavanju Budžeta Grada Zenica za 2021. godinu ("Službene novine Grada Zenica", broj 2/21).

Član 2.

U članu 26. u stavu 4. iza riječi "ili" umjesto "0,42%" treba da stoji "0,43%".

Član 3.

U članu 42. dodaje se novi stav 8. koji glasi:

"Sredstva predviđena na ekonomskom kodu 821600, pozicija "Rekonstrukcija i investiciono održavanje društvenih domova po Programu prijateljskog okruženja – sredstva JP Elektroprivreda BiH" koristit će se po nalogu resorne službe, a na osnovu ugovora potpisanog između Gradonačelnika i izvođača radova, nakon provedenog postupka javnih nabavki, te dostavljenim ovjerenim privremenim situacijama/fakturama."

Član 4.

Član 46. stav 1. mijenja se i glasi:

"Sredstva utvrđena na organizacionom kodu 61010001 - Služba za ekologiju, komunalne poslove i mjesne zajednice, u grupi "Posebne namjene", koristit će se u skladu sa Planom potreba

ulaganja u oblasti putne infrastrukture - lokalni i nekategorisani putevi i gradske ulice - rekonstrukcija i investiciono održavanje na teritoriji Grada Zenica, kao i Programom utroška sredstava u oblasti vodoprivrede na području Grada Zenica, koje usvaja Gradsko vijeće, te za realizaciju drugih projekata koji su od izuzetnog značaja za Grad Zenica."

Član 5.

U članu 46. dodaje se novi stav 9. i stav 10. koji glase:

"Sredstva predviđena na ekonomskom kodu 613700, budžetska pozicija "Izdaci za tekuće održavanje putne mreže - Federacija", zatim ekonomskom kodu 615400, budžetska pozicija "Transfer JP ZENICAGAS d.o.o. Zenica za izgradnju primarne distributivne gasne mreže na dionici vangradske magistrale GGM (Bojin vir - novi most Drivuša) - Federacija" i ekonomskom kodu 821600, budžetska pozicija "Izgradnja pješačke staze u ulici Bistua Nuova - faza I, u dužini od 1.732,85 m u Zenici - Federacija", koristit će se u skladu sa Odlukom Vlade FBiH o raspodjeli sredstava utvrđenih Budžetom FBiH za 2021. godinu Federalnom ministarstvu finansija sa pozicija "Tekući transferi drugim nivoima vlasti i fondovima - kantoni i općine" općine i gradovi i "Kapitalni transferi drugim nivoima vlasti i fondovima - kantoni i općine" općine i gradovi, broj: V. broj 1404/2021 od 16.09.2021. godine ("Službene novine FBiH", broj 74/21).

Sredstva predviđena na ekonomskom kodu 821600, budžetska pozicija "Rekonstrukcija i investiciono održavanje putne mreže - sredstva JP Elektroprivreda BiH" i budžetska pozicija "Rekonstrukcija i investiciono održavanje vodovodne i kanalizacione mreže - sredstva JP Elektroprivreda BiH", koristit će se u skladu sa Ugovorom o realizaciji Programa prijateljskog okruženja radi realizacije Projekta izgradnje HE Janjići na rijeci Bosni, broj: 02-49-17040/19 od 15.08.2019. godine, i Aneksom br. 1, broj: 02-45-4433/21 od 05.03.2021. godine, zaključenim između JP "Elektroprivreda BiH" d.d. Sarajevo i Grada Zenica."

Dosadašnji stavovi 9. i 10. postaju stavovi 11. i 12.

Član 6.

Ova Odluka stupa na snagu danom donošenja i objavit će se u "Službenim novinama Grada Zenica", a primjenjivat će se za fiskalnu 2021. godinu.

Broj:
Zenica,

PREDSJEDAVAJUĆI
GRADSKOG VIJEĆA ZENICA
Mirza Husetić

OBRAZLOŽENJE

UZ ODLUKU O IZMJENAMA I DOPUNAMA ODLUKE O IZVRŠAVANJU BUDŽETA GRADA ZENICA ZA 2021. GODINU

I PRAVNI OSNOV

Pravni osnov za donošenje ove Odluke sadržan je u odredbama Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj: 102/13, 9/14, 13/14, 8/15, 91/15 i 102/15, 104/16, 5/18, 11/19 i 99/19).

II OBRAZLOŽENJE POJEDINIH RJEŠENJA

Izmjenama i dopunama Budžeta Grada Zenica za 2021. godinu predloženo je smanjenje iznosa ukupnih prihoda i primitaka Grada, što je dovelo do promjene procenta budžetskog izdvajanja za tekuću rezervu, te izmjene člana 26. stav 4. Odluke o izvršavanju Budžeta Grada Zenica za 2021. godinu.

Predloženim Izmjenama i dopunama Budžeta Grada Zenica za 2021. godinu, u okviru Službe za privredu i upravljanje razvojem i Službe za ekologiju, komunalne poslove i mjesne zajednice planiraju se i rashodi i izdaci iz sredstava doznačenih od viših nivoa vlasti i JP Elektroprivreda BiH, a koja će se koristiti za određene namjene, tako da su članovi 42. i 46. Odluke o izvršavanju Budžeta Grada Zenica za 2021. godinu izmijenjeni i dopunjeni u cilju definisanja načina njihovog korištenja.

Imajući u vidu navedeno, predlažemo Gradskom vijeću Zenica da usvoji Odluku o izmjenama i dopunama Odluke o izvršavanju Budžeta Grada Zenica za 2021. godinu u dostavljenoj formi.

SLUŽBA ZA FINANSIJE